



Zimski nalaz puzgavca litičara (*Tichodroma muraria*) u Želećoj kod Žepča

Winter find of the Wallcreeper (*Tichodroma muraria*) in Želeća near Žepče:

During the seasons 2007/2008 and 2008/2009 in winter period, from November to February, the Wallcreeper was observed at the locality of Želeća near Žepče. In the first season five birds were recorded, and in the second four birds were recorded.

Obronci Kike se strmo spuštaju prema rijeci Bosni, a u dužini od oko jednog kilometra u pitanju su kamene litice od serpentinita koji je karakterističan za sva okolna brda. Na lokalitetu Želeća, oko 3 km zapadno od Žepča, serpentinit se

iskorištavao, uglavnom, za potrebe nasipanja brojnih šumskih i drugih lokalnih makadamskih puteva, tako da je u bazi cijelog brda, na oko jedan km dužine, stvoren vještački ambijent kamenitih litica. Počev od novembra 2007. pa do kraja februara 2008. godine, na tom je terenu cijelu zimu boravilo pet puzgavaca litičara (*Tichodroma muraria*). U istom periodu (novembar/februar) tokom zime 2008. i 2009., data vrsta je ponovo posmatrana na istom lokalitetu. Pri tome, opažena su četiri primjerka. U navedenom periodu, čim bi dolazilo do otopljanja, puzgavci bi se povlačili na nešto veću visinu istog brda (Kika), a pri zahlađenju i snijegu su silazili u samu bazu brda, kraj samog pristupnog puta. Iako je u blizini litice gradska deponija (Žepče) za ishranu nisu poput većine drugih uočenih vrsta (gavranovi, sive vrane, svraka, naročito brojne bijele pastirice i dr.), koristili nikakav otpad, pa čak ni onaj klaonički koji su „čistile“ druge vrste ptica. Serpentin se prilikom smrzavanja drobi, čitavi dijelovi se pod ujecajem leda mrve i obrušavaju u podnožje, očito otkrivajući brojne insekte koje su puzgavci neumorno tražili po čitav dan. Prilikom spomenutih posmatranja u više navrata su načinjene dokazne fotografije (ukupno 35 fotografija) sa daljine od oko 50 do 100 m.



Slike 1-2. Puzgavac litičar na obroncima Kike (Foto: N. Dročić)
Figures 1-2: Wallcreeper on the slopes of Kika (Photo: N. Dročić)

Narcis Dročić i Sumeja Dročić
Ornitološko društvo "Naše ptice", Semira Frašte 6, 71000 Sarajevo, naseptice@hotmail.com